



Jannicke Johnsen  
Ytre Haugsdal 19  
5986 Hosteland

Referanser:  
Dykkar:  
Vår: 22/518 - 22/5058

Saksbehandlar:  
Thomas Skår  
thomas.skar@masfjorden.kommune.no

Dato:  
07.06.2022

## Melding om delegert vedtak - søknad om løyve til oppføring av landbruksbygg - gbnr 1/1

**Administrativt vedtak. Saknr: 047/2022**

**Tiltakshavar: Jannicke Johnsen**

**Søknadstype:** Søknad om løyve til tiltak utan ansvarsrett etter plan- og bygningslova (pbl.) § 20-4

VEDTAK:

**Masfjorden kommune viser til plan- og bygningslova § 20-4 og godkjenner søknad om oppføring av landbruksbygg gbnr 1/1.**

**Søknad med vedlegg mottatt 24.05.2022 vert godkjent på fylgjande vilkår:**

- Tiltaket skal plasserast som vist på situasjonskart mottatt 24.05.2022.
- Faktisk plassering av tiltak må vere målt inn, og koordinatar sendt til kommunen før det vert søkt om ferdigattest.
- Det skal gjevast ferdigattest før tiltaket kan takast i bruk.

**Grunngeving: Søknaden er i tråd med Masfjorden kommuneplan 2018-2030.**

**Heimel: Plan- og bygningslova § 20-4 og Masfjorden kommuneplan 2018-2030.**

Mynde

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønskjer. Klagen skal grunnjevast.

#### Ansvar

Tiltakshavar er ansvarleg for at byggverket vert oppført i samsvar med føresegner gjeve i eller i medhald av plan- og bygningslova, jf. pbl. § 23-1, 2. ledd. Om søknaden er i strid med offentlege føresegner gjeld føresegnene føre løyvet. Vedtak etter plan- og bygningslova inneber ikkje avgjerd i privatrettslege tilhøve, jf. pbl. § 21-6.

#### Bortfall av løyve

Om byggearbeidet ikkje er sett i gang innan 3 år etter at dette løyvet er gitt, eller vert innstilt i lengre tid enn 2 år, fell løyvet bort, jf. pbl. § 21-9. Dette gjeld også dispensasjonsløyvet.

#### Avfall

Alt avfall som tiltaket fører med seg skal leverast til mottak godkjent av forureiningsstyresmakta.

#### Ferdigstilling

Tiltaket skal avsluttast med ferdigattest, jf. pbl. § 21-10 og SAK § 8-1. Ingen delar av byggverket må takast i bruk før ferdigattest eller mellombels bruksløyve ligg føre.

Sluttdokumentasjonen skal vise at tiltaket er utført i samsvar med løyve og føresegner gjeve i eller i medhald av plan- og bygningslova. Om det er justeringar i tiltaket i høve til løyvet som ikkje krev søknad om endring, skal tiltakshavar seinast ved søknad om ferdigattest sende oppdatert situasjonsplan og teikningar til kommunen. I tiltak der det er krav om avfallsplan eller miljøsaneringsutgreiing skal sluttrapport som dokumenterer faktisk disponering av avfall leggjast ved søknad om ferdigattest.

Når det står att mindre vesentlege arbeid, kan kommunen gje mellombels bruksløyve for heile eller deler av tiltaket. I søknad om mellombels bruksløyve skal tiltakshavar identifisere attståande arbeid, stadfeste at byggverket har tilfredsstillande tryggleik, og sette tidspunkt for ferdigstilling.

Før det vert gjeve ferdigattest/mellombels bruksløyve for tiltaket må følgjande ligge føre:

- Faktisk plassering av tiltaket må vere målt inn, og koordinatar sendt kommunen.

#### Gebyr

Med heimel i plan- og bygningslova § 33-1 og Lokal forskrift om gebyr for teknisk forvaltningsteneste vert det følgjande gebyr i saka:

Kode	Skildring	Tal	Sum
10.3.1	Basisgebyr	1	5300,-
	Totalt gebyr å betala		5300,-

Gebyret skal vere betalt innan 30 dagar rekna frå fakturadato og før arbeidet kan setjast i gang, jf. pbl. § 21-4 (6).

#### Klage

Gebyr for teknisk forvaltningsteneste er fastsett ved forskrift. Det er ikkje høve til å klage over ei forskrift, jf. forvaltningslova §§ 3, 28 og 40. Det kan difor ikkje klagast over at det vert kravd gebyr, eller over storleiken på gebyret. Det kan klagast over kva punkt i regulativet gebyret er rekna ut i frå. Klage skal vere grunngjeven.

#### Med helsing

Roald Kvingedal  
teknisk sjef

Thomas Skår  
sakshandsamar

*Dette dokumentet er elektronisk godkjent og har difor ingen signatur*

**Mottakarar:**

Jannicke Johnsen

Ytre Haugsdal 19 5986

Hosteland

**Saksutgreiing:****1. Bakgrunn**

Det er i søknad mottatt 24.05.2022 søkt om løyve til oppføring av landbruksbygning på gbnr 1/1.

**2. Uttale**


Søknaden er ikkje nabovarsla. Kommunen vurderer at nabovarsling ikkje er nødvendig jf plan- og bygningslova § 21-3 (2).

**3. Fakta**


Saka gjeld søknad om løyve til oppføring av landbruksbygning gbnr 1/1.

Bygget vil få gjødselskum til oppsamling. Denne vil bli oppført i betongblokk på støypt såle. Sjølve bygget vert oppført i treverk med stålplate på tak og vegg.

Storleik på bygning er 6 x 10 meter som vist på teikning under.



Plassering av bygning er vist på utklipp av situasjonskart under.



#### 4. Vurdering

Kommunen skal vurdere søknaden i høve til plan- og bygningslova. I saka her er tiltaket i tråd med Masfjorden kommuneplan 2018-2030.

#### 5. Konklusjon

Søknad om løyve til oppføring av landbruksbygning gbnr 1/1 vert godkjent som omsøkt, jf. vedtak.